

"মিষ্টি বাচ্চারা - এখন ঘরে ফিরে যেতে হবে, সেইজন্য পুরানো দেহ আর পুরানো দুনিয়ার থেকে উপরাম হও। নিজের ব্যাটারিকে চার্জ করার জন্য যোগ এর ভাঙিতে বসো"

\*প্রশ্নঃ - যোগে বাবার সম্পূর্ণ কারেন্ট কোন্ বাচ্চারা প্রাপ্ত করে?

\*উত্তরঃ - যাদের বুদ্ধি বাইরে ছুটে বেড়ায় না। নিজেকে আত্মা মনে করে বাবার স্মরণে বসে, তারাই বাবার কারেন্ট প্রাপ্ত করে থাকে। বাবা বাচ্চাদের সকাশ দেন। বাচ্চাদের কাজ হলো বাবার দেওয়া কারেন্টকে ক্যাচ করা, কেননা সেই কারেন্টের দ্বারাই আত্মা রূপী ব্যাটারি চার্জ হবে, শক্তি আসবে, বিকর্ম বিনাশ হবে। একেই যোগের অগ্নি বলা হয়, এরই অভ্যাস করতে হবে।

ওম শান্তি। ভগবানুবাচ। এখন বাচ্চাদের ঘরের কথা মনে পড়ে। বাবা তো ঘর আর রাজধানীর কথাই শোনাবেন আর বাচ্চারাও এটা বুঝেছে যে আমরা আত্মাদের ঘর কোথায় আছে? আত্মা কি? এটাও ভালো ভাবে বুঝেছে যে বাবা-ই এসে আমাদের পড়ান। বাবা কোথা থেকে আসেন? পরমধাম থেকে। এমন বলবে না যে পবিত্র দুনিয়া তৈরি করার জন্য কেউ পবিত্র দুনিয়া থেকে আসেন। তা নয়। বাবা বলেন আমি সত্য যুগের পবিত্র দুনিয়া থেকে আসিনি, আমি তো পরমধাম ঘর থেকে এসেছি, যে ঘর থেকে তোমরা বাচ্চারা রোল প্লে করতে এসেছো। আমিও ড্রামানুসারে প্রতি ৫ হাজার বছর পরে ঘর থেকে আসি। আমি ঘরেই থাকি, পরমধামে। বাবা এমনই সহজভাবে বোঝান যেন শহর থেকে এসেছেন। তিনি বলেন যেমন তোমরা পার্ট প্লে করতে এসেছো, আমিও ওখান থেকে ড্রামানুসারে পার্ট প্লে করতে এসেছি। আমি নলেজফুল। ড্রামার প্ল্যান অনুসারে আমি সবকিছুই জানি।

কল্পে-কল্পে এ কথাই আমি তোমাদের শোনাই। যখন তোমরা কাম চিতায় চড়ে কালো হয়ে যাও, পুড়ে ছাই হয়ে যাও। আগুনে মানুষ কালো হয়ে যায়, তাই না! তোমরাও কালো হয়ে গেছো। তোমাদের ভিতর থেকে সমস্ত সতোপ্রধান শক্তি বেরিয়ে গেছে। আত্মা রূপী ব্যাটারি যেন এমন না হয় যে একদম ডিসচার্জ হয়ে মোটর (শরীর) দাঁড়িয়ে পড়লো। এই সময় সবারই ডিসচার্জড হওয়ার মুহূর্ত এসে গেছে, তখনই বাবা এসে বলেন, ড্রামানুসারে আমি আসি যারা আদি সনাতন দেবী-দেবতা ধর্মের ছিল তাদের ব্যাটারি চার্জ হয়। তোমাদের ব্যাটারি এখনই চার্জ হয়। এমনটাও নয় যে শুধুমাত্র ভোরবেলায় এখানে এসে বসলে ব্যাটারি চার্জ হবে। না, ব্যাটারি চার্জ তো উঠতে, বসতে, চলতে ও হতে পারে-স্মরণে থাকলে। তোমরা প্রথমে সতোপ্রধান পবিত্র আত্মা ছিলে। খাঁটি সোনা, খাঁটি অলঙ্কার ছিলে। এখন তমোপ্রধান হয়ে গেছো। এখন আবার আত্মা সতোপ্রধান হয়ে উঠতে থাকে সুতরাং শরীর ও পিওর প্রাপ্ত হবে। এটা খুব সহজ পিওর হওয়ার ভাঙি (অগ্নি কুন্ড), একে যোগ ভাঙিও বলা যেতে পারে। সোনাকেও ভাঙিতে নিষ্ফেপ করা হয়। এটাও সোনাকে (আত্মা) শুদ্ধ করে তোলার ভাঙি, বাবাকে স্মরণ করার ভাঙি। পিওর তো অবশ্যই হতে হবে। স্মরণ না করলে অতটা পিওর হতে পারবে না। তারপর হিসেব-নিকেশও মেটাতে হবে, কেননা বিনাশের সময়। সবাইকে ঘরে ফিরে যেতে হবে। বুদ্ধিতে ঘরের স্মৃতি গেঁথে আছে। আর কারও বুদ্ধিতে নেই। ওরা ব্রহ্মকে ঈশ্বর বলে, তাকে ঘর বলে জানে না। তোমরা এই অনন্ত ড্রামার কুশীলব, ড্রামাকে তোমরা ভালোভাবেই জেনে গেছো। বাবা বুঝিয়েছেন ৮৪ চক্র সম্পূর্ণ হতে চলেছে। এখন ঘরে ফিরতে হবে। আত্মা এখন পতিত, সেইজন্যই ঘরে ফিরে যাওয়ার জন্য আহ্বান করো বলে - বাবা তুমি এসে পবিত্র করে তোল, নয়তো আমরা যেতে পারবো না। বাবাই বসে এসব কথা বাচ্চাদের বোঝান। বাচ্চারাও এটা বুঝেছে, তবেই ওঁনাকে পিতা-পিতা বলে ডাকে। শিক্ষকও বলে। মানুষ তো কৃষ্ণকেই শিক্ষক ভেবে বসে আছে। তোমরা বাচ্চারা বুঝেছ, কৃষ্ণ নিজেই অধ্যয়ন করতো, সত্যযুগে। কৃষ্ণ কখনোই কারও শিক্ষক হয়নি। এমনটাও নয় যে-অধ্যয়ন করে তারপর শিক্ষক হয়েছে। কৃষ্ণের শৈশব থেকে বড়ো হওয়ার সমস্ত কাহিনী তোমরা বাচ্চারা জানো। মানুষ তো কৃষ্ণকে ভগবান ভেবে বলে থাকে যদিকে তাকাও কৃষ্ণই কৃষ্ণ। রাম ভক্ত অনুরাগীরা বলে যদিকে তাকাও শুধু রাম আর রাম। ভক্তি মার্গের সব সুতো জট পাকানো। তোমরা এখন জান ভারতের প্রাচীন যোগ আর জ্ঞান প্রসিদ্ধ ছিল। মানুষ তো কিছুই জানেনা। জ্ঞানের এক বাবাই যিনি তোমরা বাচ্চাদের জ্ঞান প্রদান করেন। সুতরাং তোমাদের ও মাস্টার জ্ঞানের সাগর বলা হবে। কিন্তু নন্দ্রনুসারে পুরুষার্থ অনুযায়ী। তোমাদের সাগর না নদী বলা উচিত? তোমরা হলে জ্ঞান গঙ্গা। মানুষ এখানেও সংশয় প্রকাশ করে। মাস্টার জ্ঞান সাগর বলাই সঠিক।

বাবা বাচ্চাদের পড়ান, এখানে মেল-ফিমেল এর কোনও প্রশ্নই নেই। বাবার অবিনাশী উত্তরাধীকার তোমরা সব আত্মারাই প্রাপ্ত করো, তাই বাবা বলেন দেহী-অভিমানী হও। যেমন আমি পরম আত্মা জ্ঞানের সাগর তেমনি তোমরাও জ্ঞান সাগর। আমাকে পরমপিতা পরমাত্মা বলা হয়। আমার কর্তব্য সর্বোচ্চ। রাজা-রাণীর কর্তব্যও কত উচ্চ হয় তাই না! তোমাদের কর্তব্যকেও উচ্চ স্থানে রাখা হয়েছে। এখন তোমরা জান আমরা আত্মারা অধ্যয়ণ করছি, পরমাত্মা পড়াচ্ছেন আর তাই দেহী-অভিমানী হও। এখানে সব আত্মারা ভাই-ভাই। বাবা কতো পরিশ্রম করেন। এখন তোমরা আত্মারা জ্ঞান অর্জন করে চলেছো, তারপর ওখানে (সত্য যুগে) গিয়ে প্রালব্ধ ভোগ করাই চলবে। ওখানে সবাই ব্রাতৃস্নেহ স্নেহ বন্ধনে আবদ্ধ হয়ে বাস করে। ব্রাতৃস্ন সুলভ প্রেম সঠিক হওয়া উচিত। কাকে সম্মান দেবো, কাকে দেবো না... এমনটা কিন্তু নয়। লৌকিক মানুষেরা বলে - হিন্দু-মুসলমান ভাই-ভাই কিন্তু একে অপরকে সম্মান করে না। ভাই বোন নয়, ভাই-ভাই বলাটাই সঠিক। আত্মারা এখানে রোল প্লে করতে এসেছে। ওখানেও ব্রাতৃস্ন প্রেমেই সবাই বাস করে। ঘরেও (পরমধাম) নিশ্চয়ই সবাই ভাই-ভাই রূপেই থাকবে। ভাই-বোনের এই যে বস্তু (শরীর) তা তো এখানেই ছেড়ে যেতে হবে। ভাই-ভাই জ্ঞান বাবাই এসে দিয়ে থাকেন। ব্রুকুটির মাঝখানে আত্মার বাস। তোমাদের দৃষ্টি ও এখানে দিতে হবে। আমরা আত্মারা শরীর রূপী সিংহাসনে বসে আছি। শরীরকে আত্মার সিংহাসন বলা হয়। আত্মাকে কখনও কাল (সময়, এখানে আত্মা অমর, তাই বোঝানো হয়েছে) খায়না। সবারই আসন এখানে-ব্রুকুটির মাঝখানে। এর উপরেই অকাল আত্মা বিরাজ করছে। কতো বোঝার বিষয়। বাচ্চার মধ্যেও যখন আত্মা প্রবেশ করে ব্রুকুটির মাঝখানে স্থিত হয়। ঐ ছোট আসন তারপর ধীরে ধীরে বড়ো হতে থাকে। এখানে আত্মাকে গর্ভেও কষ্ট ভোগ করতে হয় তখন অনুতপ্ত হয়ে বলে-- আমি আর কখনও পাপ-আত্মা হবো না। অর্ধকল্প ধরে পাপ আত্মায় পরিণত হও। এখন বাবার দ্বারা পাবন আত্মা হয়ে উঠছে। তোমরা তন-মন-ধন সবকিছুই বাবাকে দান করে দাও। এত কিছু দানের কথা কেউ জানেনা। দান গ্রহণকারী আর দান প্রদানকারীরাই ভারতে আসে। এসব সূক্ষ্ম বিষয় বোঝার ব্যাপার। ভারত অবিনাশী খন্ড আর অবশিষ্ট সব খন্ড ধ্বংস হয়ে যাবে। ড্রামায় এটাই পূর্ব নির্ধারিত। এসব এখন তোমাদের বুঝতে আছে। দুনিয়ার আর কেউ জানেনা। একে নলেজ বলাই সঠিক। নলেজ হলো সোর্স অফ ইনকাম। এর মাধ্যমে অনেক উপার্জন করা যায়। বাবাকে স্মরণ করো, এই নলেজ দিয়ে থাকেন তারপর সৃষ্টি চক্রের নলেজও প্রদান করেন। এতেই পরিশ্রম। আমাদের অর্থাৎ আত্মাদের এখন ফিরে যেতে হবে, সেইজন্য এই পুরানো দুনিয়া আর পুরানো শরীর থেকে ডিট্যাচ হতে হবে (মোহমুক্ত, আসক্তিহীন)। দেহ সহ যা কিছু দেখছে সবকিছুই বিনাশ হয়ে যাবে। এখন আমরা ট্রান্সফার (স্থান পরিবর্তন) হতে যাচ্ছি। একথা বাবাই বলতে পারেন। অনেক বড়ো পরীক্ষা, যা বাবাই এসে পড়ান। এখানে বইপত্র ইত্যাদি প্রয়োজন নেই। বাবাকে স্মরণ করতে হবে। বাবা ৬৪ চক্র বুঝিয়ে বলেন। ড্রামার সময়সূচি তো কেউ জানেনা। গভীর অন্ধকারে ঘুমিয়ে আছে সবাই। তোমরা এখন জেগে উঠেছো, মানুষ তো জাগে না। তোমরা কতো পরিশ্রম করছো, ওরা বিশ্বাসই করতে পারেনা যে ভগবান এদের পড়াচ্ছেন। কারও মধ্যে তো অবশ্যই আসবেন, তাইনা! এখন বাবা আত্মাদের পরামর্শ দিচ্ছেন - কি কি করলে মানুষ বুঝতে পারবে। তোমাদের জন্য তো সহজ, নম্বরনুসারে তো আছেই। স্কুলেও নম্বরনুসারে হয়। পড়াশোনাতেও নম্বর অনুসারে আছে। এই ঈশ্বরীয় পঠন-পাঠের মাধ্যমেই বড়ো রাজধানী স্থাপন হতে চলেছে। এমন ভাবেই পুরুষার্থ করতে হবে যাতে আমরা রাজা হতে পারি। এই সময় যেমন পুরুষার্থ করবে তেমনই কল্প-কল্পান্তর ধরে করবে। একে ঈশ্বরীয় লটারি বলা হয়। কেউ সামান্য, কেউ বা বড়ো লটারি প্রাপ্ত করে। এই লটারি রাজ্য ভাগ্যের জন্য। আত্মা যেমন কর্ম করবে, তেমনই লটারি প্রাপ্ত করবে। কেউ গরিব হয়, আবার কেউ বিত্তবান হয়। এই সময় তোমরা বাচ্চারা সম্পূর্ণ লটারি বাবার কাছ থেকে পেয়ে থাকো। সবটাই পুরুষার্থের উপরে নির্ভর করে। প্রথম নম্বরের পুরুষার্থ হলো স্মরণের। সুতরাং সর্বপ্রথম যোগবলের দ্বারা স্বচ্ছ হতে হবে। তোমরা জানো যত আমরা বাবাকে স্মরণ করবো ততই নলেজের ধারণা হবে আর অনেককে বুঝিয়ে নিজের প্রজা করে তুলতে সক্ষম হব। হলোই বা অন্য কোনো ধর্মের, যখন একত্রে মিলিত হও তখন বাবার পরিচয় প্রদান করো। এগিয়ে যেতে যেতে সেও দেখবে বিনাশ সামনে অপেক্ষা করছে। বিনাশের সময় মানুষের মধ্যে বৈরাগ্য আসে। আমাদের শুধু বলতে হবে - তুমি আত্মা। হে গড ফাদার! কে বলে? আত্মা বলে। এখন বাবা আত্মাদের বলেছেন আমি তোমাদের গাইড হয়ে মুক্তিধামে নিয়ে যাবো। বাকি আত্মাদের তো বিনাশ হয়না সুতরাং মোক্ষ লাভের কোনও প্রশ্নই ওঠেনা। প্রত্যেককে নিজের নিজের রোল প্লে করতে হবে। আত্মারা সবাই অমর, কখনোই বিনাশ হয় না। শুধু ওখানে (সত্য যুগে) যাওয়ার জন্য বাবাকে স্মরণ করলে বিকর্ম বিনাশ হবে। ঘরে যেতে পারবে। শেষে গিয়ে সন্ন্যাসীরাও বুঝবে, ফিরে তো সবাইকেই যেতে হবে। তোমাদের প্রচার সবার বুদ্ধিকে সজাগ করে তুলবে। তবেই তো মহিমা করা হয়েছে - হে প্রভু... তোমার গতি মতি তুমিই জানো। তাহলে নিশ্চয়ই কাউকে মত দেবেন, নাকি নিজের কাছে রাখবেন? ওনার মতের দ্বারা সঙ্গতি কিভাবে প্রাপ্ত হয়, তা তো অবশ্যই বলবে, তাইনা! ওরা বলবে তোমার গতি-মতি তুমিই জানো, আমরা জানিনা। এটা কোনও কথার কথা হলো! বাবা বলেন - এই শ্রীমতে

তোমাদের গতি হয়ে যায় ।

এখন তোমরা জানো বাবা যা জানেন তাই আমাদের শেখান । তোমরা বলবে আমরা বাবাকে জানি । ওরা গেয়ে থাকে তোমারই গতি-মতি তুমিই জানো । কিন্তু তোমরা এমনটা বলবে না । বুদ্ধিতে সম্পূর্ণ জ্ঞান ধারণ হতে সময় লাগবে । সম্পূর্ণ তো এখনও কেউ হয়নি । সম্পূর্ণ হয়ে গেলেই এখন থেকে চলে যাবে । এখন যাওয়া যাবে না । এখন সবাই পুরুষার্থ করছে । যদিও বাবার (ব্রহ্মা বাবা) তীর বৈরাগ্য এসেছিল, তিনি সাক্ষাৎকার করেছিলেন দ্বিমুকুটধারী হতে চলেছি-- এটাও ড্রামানুসারে বাবা দেখিয়েছেন, আর আমি সেটা দেখেই খুশি হয়ে উঠেছিলাম । আর খুশিতে আমি সব কিছু ত্যাগ করেছিলাম । বিনাশও যেমন দেখেছি, চতুর্ভুজও দেখেছি । বুঝেছিলাম এখন রাজ্য অধিকারী হতে চলেছি। অল্প কিছু সময়ের মধ্যেই সবকিছু বিনাশ হয়ে যাবে । এমনই নেশা (ঐশ্বরীয় খুশির অনুভব) বৃদ্ধি পেতে লাগল । বোঝা গিয়েছিল এটা ঠিক, রাজধানী হবে । অনেক মানুষ এর অংশীদার হবে । একা আমি সেখানে গিয়ে কি করব । এই জ্ঞান এখনই (সঙ্গম যুগে)প্রাপ্ত হয়। প্রথমেই খুশির মাত্রা বৃদ্ধি পেয়েছে । পুরুষার্থ তো সবাইকেই করতে হবে । তোমরাও পুরুষার্থ করার জন্য বসেছ । ভোরবেলায় উঠে স্মরণে বসো । স্মরণের জন্য এইভাবে বসা ভালো । তোমরা জানো বাবা এসেছেন । বাবা এসেছেন বা দাদা এসেছেন, এটা তো গুঁড় জানে আর গুঁড়ের বস্তু জানে । এক একটি বাচ্চাকে তিনি দেখতে থাকেন । এক একজনকে বসে তিনি সকাশ দেন । যোগ অগ্নি তাইনা ! যোগ অগ্নির দ্বারা অনেক বিকর্ম ভস্ম হয়ে যায় । ঠিক যেন বসে লাইটের প্রকাশ ফেলেন । প্রতিটি আত্মাকে সার্চলাইট দেন। বাবা বলেন আমি প্রতিটি আত্মাকে বসে কারেন্ট দিই যাতে শক্তি ভরপুর হয়ে যায় । যদি স্মরণে বসে বুদ্ধি বাইরে ছুটে বেড়ায় তবে বাবার দেওয়া কারেন্ট ক্যাচ করতে পারবে না । বুদ্ধি যাদের ছুটে বেড়ায় তাদের আর কি প্রাপ্তি হবে? বলাও হয়ে থাকে মিষ্টি ব্যবহারের বদলে সবাই মিষ্টি ব্যবহারই করবে, তোমরা ভালোবাসা দিলে ভালোবাসাই পাবে । বুদ্ধি বাইরে বিভ্রান্ত হয়ে ছুটে বেড়ালে আত্মা রুপী ব্যাটারি চার্জ হবে না । বাবা আত্মাদের ব্যাটারি চার্জ করতেই আসেন, ওঁনার কর্তব্য হলো সার্ভিস দেওয়া । বাচ্চারা বাবার সার্ভিসকে স্বীকার করে কি করে না সে তো তাদের আত্মাই জানে যে, সে বসে বসে কী চিন্তা করছে। এসবই বাবা বুঝিয়ে বলেন । বাবা বলেন আমি পরম আত্মা । আমি ব্যাটারি আমার সাথেই তোমরা যোগযুক্ত হও । আমিও তখন তোমাকে সকাশ দেবো। তোমরা তো বসবে বাবাকে স্মরণ করতে । অনেক স্নেহপূর্ণ ভাবে এক একজনকে সকাশ দিয়ে থাকি । তোমরা তো বসবে বাবাকে স্মরণ করতে । সামনে বসে লাইট দিই। তোমরা তো এমনটা করবে না । যে গ্রহণ করতে পারবে, সে গ্রহণ করবে, তার আত্মা রুপী ব্যাটারি চার্জ হয়ে যাবে । বাবা প্রতিদিন যুক্তি বলে দিতে থাকেন । বোঝা না বোঝা- সে তো নশ্বরানুসারে স্টুডেন্টদের উপরে নির্ভর করছে । অনেক তাজা তাজা জিনিস দেওয়া হয়েছে, কেউ হজম করবে তবে তো ! এ হলো বডো লটারি, জন্ম-জন্মান্তর, কল্প-কল্পান্তরের লটারি । এর প্রতি সম্পূর্ণ মনোযোগী হতে হবে । বাবার কাছ থেকে আমরা শক্তি গ্রহণ করছি। বাবাও ক্রকুটির মাঝখানে একপাশে বসে আছেন । তোমাদেরও নিজেকে আত্মা মনে করে বাবাকে স্মরণ করতে হবে । ব্রহ্মাকে নয় । আমরা ওঁনার সাথেই যোগযুক্ত হয়ে বসেছি, ব্রহ্মা বাবাকে দেখলেও আমরা শিব বাবাকেই দেখি । এ তো আত্মারই কথা, তাই না ! আচ্ছা!

মিষ্টি মিষ্টি হারানিধি বাচ্চাদের প্রতি মাতা-পিতা বাপদাদার স্মরণের স্নেহ-সুমন আর সুপ্রভাত । আত্মাদের পিতা তাঁর আত্মা রুপী বাচ্চাদেরকে জানাচ্ছেন নমস্কার ।

\*ধারণার জন্যে মুখ্য সারঃ-\*

১ ) আত্মাকে স্বচ্ছ করে তোলার জন্য অমৃতবেলায় উঠে বাবার কাছ থেকে সার্চলাইট গ্রহণ করতে হবে । বুদ্ধিযোগ বাইরে থেকে সরিয়ে নিয়ে এক বাবার প্রতি যুক্ত করতে হবে । বাবার দেওয়া কারেন্ট ক্যাচ করতে হবে ।

২ ) নিজেদের মধ্যে ভাই ভাই এর সত্যিকারের ভালোবাসা রেখে চলতে হবে । সবাইকে সম্মান দিতে হবে । আত্মা রুপী ভাই অমর সিংহাসনে বিরাজমান, সেইজন্য কথা বলার সময় ক্রকুটির দিকে তাকিয়ে কথা বলতে হবে ।

\*বরদানঃ-\*

নিজের সম্পর্কের দ্বারা অনেক আত্মাদের চিন্তা নিরসনকারী সকলের প্রিয় ভব

বর্তমান সময়ে ব্যক্তিদের মধ্যে স্বার্থভাব থাকার কারণে এবং বৈভবের দ্বারা অল্পকালের প্রাপ্তি হওয়ার কারণে আত্মারা সর্বদাই কোনো না কোনো চিন্তাতে ভারাক্রান্ত হয়ে আছে। তোমাদের অর্থাৎ শুভচিন্তক আত্মাদের কিছু সময়ের সম্পর্কও সেই আত্মাদের চিন্তাগুলি নিরসনের আধার হয়ে যায়। আজ বিশ্বে তোমাদের মতো শুভচিন্তক আত্মাদের প্রয়োজনীয়তা রয়েছে, সেইজন্য তোমরা হলে সমগ্র বিশ্বের অতিপ্রিয় আত্মা।

\*স্লোগান:-\* তোমাদের অর্থাৎ হিরে তুল্য আত্মাদের বাণীও যেন রঞ্জের সমান মূল্যবান হয় ।

Normal;heading 1;heading 2;heading 3;heading 4;heading 5;heading 6;heading 7;heading 8;heading 9;caption;Title;Subtitle;Strong;Emphasis;Placeholder Text;No Spacing;Light Shading;Light List;Light Grid;Medium Shading 1;Medium Shading 2;Medium List 1;Medium List 2;Medium Grid 1;Medium Grid 2;Medium Grid 3;Dark List;Colorful Shading;Colorful List;Colorful Grid;Light Shading Accent 1;Light List Accent 1;Light Grid Accent 1;Medium Shading 1 Accent 1;Medium Shading 2 Accent 1;Medium List 1 Accent 1;Revision;List Paragraph;Quote;Intense Quote;Medium List 2 Accent 1;Medium Grid 1 Accent 1;Medium Grid 2 Accent 1;Medium Grid 3 Accent 1;Dark List Accent 1;Colorful Shading Accent 1;Colorful List Accent 1;Colorful Grid Accent 1;Light Shading Accent 2;Light List Accent 2;Light Grid Accent 2;Medium Shading 1 Accent 2;Medium Shading 2 Accent 2;Medium List 1 Accent 2;Medium List 2 Accent 2;Medium Grid 1 Accent 2;Medium Grid 2 Accent 2;Medium Grid 3 Accent 2;Dark List Accent 2;Colorful Shading Accent 2;Colorful List Accent 2;Colorful Grid Accent 2;Light Shading Accent 3;Light List Accent 3;Light Grid Accent 3;Medium Shading 1 Accent 3;Medium Shading 2 Accent 3;Medium List 1 Accent 3;Medium List 2 Accent 3;Medium Grid 1 Accent 3;Medium Grid 2 Accent 3;Medium Grid 3 Accent 3;Dark List Accent 3;Colorful Shading Accent 3;Colorful List Accent 3;Colorful Grid Accent 3;Light Shading Accent 4;Light List Accent 4;Light Grid Accent 4;Medium Shading 1 Accent 4;Medium Shading 2 Accent 4;Medium List 1 Accent 4;Medium List 2 Accent 4;Medium Grid 1 Accent 4;Medium Grid 2 Accent 4;Medium Grid 3 Accent 4;Dark List Accent 4;Colorful Shading Accent 4;Colorful List Accent 4;Colorful Grid Accent 4;Light Shading Accent 5;Light List Accent 5;Light Grid Accent 5;Medium Shading 1 Accent 5;Medium Shading 2 Accent 5;Medium List 1 Accent 5;Medium List 2 Accent 5;Medium Grid 1 Accent 5;Medium Grid 2 Accent 5;Medium Grid 3 Accent 5;Dark List Accent 5;Colorful Shading Accent 5;Colorful List Accent 5;Colorful Grid Accent 5;Light Shading Accent 6;Light List Accent 6;Light Grid Accent 6;Medium Shading 1 Accent 6;Medium Shading 2 Accent 6;Medium List 1 Accent 6;Medium List 2 Accent 6;Medium Grid 1 Accent 6;Medium Grid 2 Accent 6;Medium Grid 3 Accent 6;Dark List Accent 6;Colorful Shading Accent 6;Colorful List Accent 6;Colorful Grid Accent 6;Subtle Emphasis;Intense Emphasis;Subtle Reference;Intense Reference;Book Title;Bibliography;TOC Heading;